

TSUMO

PANOPERA CHIDZIDZO CHINO MUDZIDZI ANOTARISIRWA KUNGE AVA KUGONA

- Kutsanangura zvinoreva tsumo
- Kuzadzisa tsumo dzakapihwa
- Kunyora tsumo dzinoreva zvakafanana kana dzinoreva zvakasiyana
- Kunyukura tsumo kubva mundima

Tsumo dzaishandiswa nevakuru vedu pakutaura kwavo zvekuti usingazive zvinoreva tsumo yacho hawainzwisisa zvavaitaura.

Nazvino mutauro uyu uchiri kushandiswa.

Mabasa etsumo ndeanotevera:

Kuyambira,Kudzidzisa, Kutondedza/ kurangaridza,Kukurudzira, Kutenda, Kuchenjedza

Mudzidzi anokurudzirwa kushandisa mutauro uyu mukutaura uye mukunyora.

Tsumo mutauro unofanira kushandiswa nemazvo kwete kungokanda tsumo nepadzisangakodzeri.

Muenzaniso yetsumo ndeinotevera

Moyo muti unomera paunoda.

Chisi chako masimba mashoma.

Ateya mariva murutsva haachatyi kusviba magaro.

Gonzo mhini garira mumhango chemudzimu chikuwaniremo.

Chinoziva ivhu kuti mwana wembeva anorwara.

1.Tsumo dzine mazita emhuka

Chinono chinengwe bere rakadya richifamba.

Chinoziva ivhu kuti mwana wembeva anorwara.

Gonzo mhini garira mumhango chemudzimu chikuwaniremo.

Gudo guru peta muswe kuti vadiki vakutye.

Imbwa nyoro ndidzo tsengi dzamatoo.

Kure kwegava ndokusina mutsubvu.

Mbeva zhinji hadzina mashe.

Nyoka huru haizvirume.

2.Tsumo dzine mazita emiti nezvirimwa.

Chenga ose manhanga hapana risina mhodzi.

Guyu kutsvukira kunze mukati muzere masvosve.

Kure kwegava ndokusina mutsubvu.

Mapudzi anowira kusina hari.

Mukuyu hauvinge shiri.

Mukwasha muonde haaperi kudyiwa.

Muto wetsenza ndeumwe.

Takabva neko kumhunga hakuna ipwa.

Totenda maruva tadya chakata.

3.Dzimwewo Tsumo

Aiva madziva ava mazambuko.

Chaitemura chava kuseva.

Chawawana batisisa mudzimu haupe kaviri.

Chembere mukadzi hazvienzani nekurara mugota.

Chisi chako masimba mashoma.

Gomba harina mwana.

Hapana mutunhu usina guva.

Kakara kununa hudyu kamwe.

Kare haagari ari kare.

1.Tsumo nezvadinoreva

Chitaurirwa hunyimwa sembare dzekumusana -Zvinhu zvakaitika zvinonetsa kutsanangurira munhu, zvinotoda kuti azvionere pachako kuti anyatsozvinzwisisa.

Kwadzinorohwa matumbu ndiko kwadzinomhanyira -Munhu anokutadzira muupenyu ndiye waunofarira.

Chikomo chiremera vari kure, vari pedyo vanotamba nacho -Kazhinji munhu mukuru anopihwa rukudzo nevekure, kwete nevaanogara navo pedyo.

Chisi hachieri musi wacharimwa -Munhu akapara mhosva kana kuita chakaipa hachibva chabuda ipapo, chinobuda nekufamba kwenguva nyakupara akananwa.

Hapana mhou inokumira mhuru isi yayo -Munhu anorwadziwa zvikuru nezvinhu zvikange zvaitika kune hama dzake dzepedyo.

Anyumwa bere nderake -Mupari wemhosva akanzwa nyaya yaakapara ichitaurwa nezvayo hana inotanga kurova

2.Tsumo dzinoreva zvakafanana

Kuziva zvinoreva tsumo imwe neimwe kunoita kuti mudzidzi agokwanisa kubuda netsumo dzinoreva zvakafanana.

Mienzaniso yetsumo dzinoreva zvakafanana ndeinotevera:

Gavi rakabva kumasvuurir -Mhembwe rudzi inozvara mwana ane kazhumu.

Akazvara sekera muchidende -Abereka wotochena moyo.

Aiva madziva ava mazambuko -Dzaiva nhungo dzava mbariro.

Chako ndechako pfuma yenhaka inoparadza ukama -Chako ndechako kuseva unosiya muto.

3.Tsumo dzinopesana

Chara chimwe hachitswanyiri inda -Munhu mumwe haakwanisi kuita basa rinoda maoko akawanda.

Mbeva zhinji hadzina mashe -Kuwanda kwevanhu pabasa kunoita kuti risafambe

Chinono chinengwe bere rakadya richifamba -Zvinhu zvinofanira kuitwa nekukasika nekuti ukazvinonokera panowanikwa zvinopingaidza.

Kumhanya handi kusvika -Munhu anofanira kutora nguva yake achiita zvinhu nokuti akamhanya zvinogona kukanganisika.

Chaitemura chave kuseva -Munhu aitambura anenge ave neupfumi

Kandiro kunoenda kunobva kamwe -Ukaitira munhu chakanaka nayewo anokuitira zvakanaka, uye ukaitirwa zvakanaka newewo unofanira kutsiva nekuita zvakanaka.

Kurera imbwa nomukaka mangwana inofuma yokuruma -Kune vanhu vokuti kunyangwe ukavaitira zvakanaka sei vanokupindukira

Chirere mangwana chigokurerawo -Pakubatsira munhu kana azobudirira anozokubatsirawo.

Zviro zviedzwa chembere yokwaChivi yakabika mabwe ikanwa muto -Kurudziro kuti munhu aedze zvinhu asatyire kure nokuti zvimwe zvinogona kutobudirira nyangwe pasina tariro.

Nhamo inhamo zvayo amai havaroodzwi -Zvimwe zvinhu hazvisi zvekumanikidzira, nokuti kune zvinhu zvisingaite saka kana munhu akundikana anofanira kubvuma kwete kuramba achingomanikidzira.

Mienzaniso yetsumo dzinoreva zvinopesana ndeinotevera

Zviro zviedzwa chembere yokwaChivi yakabika mabwe ikanwa muto -Zvikoni zvikoni mimba haibvi negosoro.

Kuzvara kwemumwe ndekwako -Nhamo yemumwe hairamwirwe sadza.

Totenda maruva tadya chakata -Usashora mbodza neinozvimbira.Mwana asingachemi anofira mumbereko.Mugoti unopihwa anyerere.

Chirere mangwana chigokurerawo -Ukarera imbwa nomukaka mangwana inofuma yokuruma.

Aiva madziva ava mazambuko -Chaitemura chave kuseva.

Mibvunzo

Ipa tsumo dzinoreva zvakafanana nedzakapiwa kuratidza ruzivo rwako netsumo uye mashandiro adzo mumutauro.

1.Chimwango chokukumbira hachipedze ndima

- 2.Totenda dzanwa dzaswera nebenzi
- 3.Mwoyo muti uomera paunoda
- 4.Kutamba nesanhu kutemera nyoka ruzhowa
- 5.Gona ana gona wakewo
- 6.Kurera nhiriri mumurara mangwana inofuma yokupedzera huku
- 7.Ateya mariva murutsva hachatyi kusviba magaro
- 8.Kakara kununa hudya kamwe
- 9.Kuramba dzvuku huona jena
- 10.Mwana mudiki kutenda kutumwa hunge aine rwake mberi